

**Ilinniagaqarneq inuussutissarsiuqarneq pillugit ilitsersuisarneq pillugu Inatsisartut
inatsisissaattut siunnersuut**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSIISSUTAA

Siunnersuutip aappassaaneerpeqarneqarneq saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini makkuninnga inuttaqarpoq:

Inatsisartunut ilaasortaq, siulittaasoq Randi Broberg, Partii Inuit

Inatsisartunut ilaasortaq, siulittaasup tullia Ruth Heilmann, Siumut

Inatsisartunut ilaasortaq, Per Berthelsen, Siumut

Inatsisartunut ilaasortaq, Mimi Karlsen, Inuit Ataqtigiit

Inatsisartunut ilaasortaq, Harald Bianco, Inuit Ataqtigiit

UKA13-mi ulloq 26. september 2013-mi siullermeerinerup kingorna siunnersuut
Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliaraa.

Siunnersuutip imarisaa

Siunnersuummi qulliunerusumik siunertaq tassaavoq ilitsersuisarnerup ataatsimut isigalugu
pitsanngorsarnissaa. Siunnersuummi ilaatigut ilitsersuisarneq imminut
atasunngortinniarneqarpoq ilinniarfinnilu ikaarsaariarnermut tunngatillugu tapersiissutitut
qulakkeerneqarnissaa anguniarneqarluni.

Akisussaaffiit agguataarnerat siunnersuummi ersarissumik aalajangersarneqarput, tassani
erseqqissarneqarluni kikkut sumut akisussaasuunersut.

Nutaatut aalajangersarneqarpoq ilitsersuisarneq pillugu nittartakkap pilersinnissaa,
tamassumallu ingerlanneqarnissaa Naalakkersuisut isumagissavaat. Nittartakkap siullertut
siunertarissavaa ilitsersorneqarniartunut neqeroorutaassalluni, taassumap saniatigut

nittartagaq ilinniagaqarnermut inuutissarsiornermullu tunngasunut pisortat aammalu ilitsersuineramik soqutigisaqartunik atorneqarsinnaassalluni.

Ilanngulugu siunnersuutigineqarpoq nuna tamakkerlugu ilitsersuisarnermut tunngatillugu pilersitsioqarnissaa, taakku suliarissavaat ilitsersuisarnerup tamanut ilitsersuisarnerup aamma Kalaallit Nunaannu Qitiusumik ilitsersuisarnerup ineriartortinneqarneranut siunnersuisuussallutik.

Taakku saniatigut saqqummiunneqarpoq kommunini siunnersuisarfiit suliaqartussaataaernerat nutarterisussaataaernerallu tunngavigalugu, meeqqat atuarfianni ilinniagaqarnissami iliuusissatut pilersaarusiorneqartarnissaat. Kommuneni ilitsersuisarnissamik peqaatsitsisussat tassaapput kommunalbestyrelsit.

Inatsisartut siunnersuummik siullermeerinninnerat

Inatsisartut siunnersuummik siullermeerluni suliarinninneranni partiit tamarmiut Inatsisartut inatsisissaattut siunnersuut tapersorsorlugu oqaaseqarput.

Ataatsimiititaliap siunnersuummik suliarinninnera

Ataatsimiititaliap Inatsisartut inatsisissatut siunnersuummut suliarinninnerani erseqqissumik qulakkeerlugu paaserusuppaa, kommunit ilitsersuinissamik pisussaaffimmik tigusinissaannut tunngatillugu aningaasartuutissatigut inatsisitigut qularnaaneqarsimanersut. Tamanna pillugu inatsisissamut siunnersuutip tusarniaassutigineqarnera ilaatigut apeqqutigineqarsimasoq ataatsimiititaliap ilisimaarivaa.

Siunnersuisarnermut aningaaliissutissat inatsisissamut siunnersuummi kapitali 5 § 24 aamma § 25 aqutigalugu ima nassuiarneqarsimavoq:

Kapitali 5

Aningaasalersuineq nakkutilliinerlu

§ 24. Ilitsersuisarnermi suliaassanut aningaasartuutit suliaassanik inatsisitigut pisussaaffeqartut akilissavaat.

Imm. 2. Kalaallit Nunaanni Ilitsersuisarnerq pillugu Siunnersuisoqatigiit ingerlatsinerannut, takuuk § 8, imm. 2, aningaasartuutit Nunap Karsiata ukiumoortumik tapiissutai atorlugit akilerneqartassapput.

§ 25. Inatsit naapertorlugu ilitsersuisarnermi suliaassat ingerlanneqarnissaa pillugu Naalakkersuisut kommunalbestyrelsinut angusassat pillugit isumaqatigiissusiussapput.

Imm. 2. Kommunit ilitersuinermi anguniagassaat taakkunungalu piumasqaatinik allaaserinnineq angusassat pillugit isumaqatigiissutini ilaassapput.

Imm. 3. Angunigassat aalajangersimasut anguneqanngippata Naalackersuisut kommuninut ataatsimoortumik tapiissutit ilanngarsinnaavaat.


Tusarniaanermut akissutit

Tusarniaanermi sussaqtartut 50-nik ikinnerunngitsut tusarniaavigineqarsimapput. Taakkunanngi 13-t inatsisissamut siunnersuummut oqaaseqaateqarlutik aaqqiissutissanilluunniit siunnersuuteqarlutik akissuteqarsimapput. Inatsisissamut siunnersuummut sussaqtartut oqaaseqaataannut aaqqiissutissatullu siunnersuutigisaannut, Naalackersuisut akissuteqaataat inatsisissallu qanoq atuutsinneqarnerminni tigussaasumik paasineqassanerannik nassuiaatigisaat ataatsimiititaliamit tusaatissatut tiguneqarput.

Inassuteqaat

Siuliani oqaatigineqartut siunnersuummillu siullermeerinermi oqaaserineqartut tunngavigalugit siunnersuut **akuerineqassasoq ataatsimiititaliamit isumaqatigiittumit inassutigineqarpoq.**

Taama oqaaseqarluni ataatsimiititaliap siunnersuut aappassaaniigassanngortippaa.



Randi Broberg



Ruth Heilmann



Per Berthelsen



Harald Bianco

Mimi Karlsen